


Mira Sorvino, actriz ganador di premionan Oscar y embahador di Nacionnan Uni

Na Aruba tin casonan di traficacion di hende, specialmente den e sector comercial-sexual



ORANJESTAD (AAN): Recientemente e actriz y embahador di bon boluntad pa Nacionnan Uni, Mira Sorvino a bishita Aruba den cuadro di e conferencia pa Hende Muher.

Sorvino ta un mensahero y un luchado den e combate di trafico di hende. Switch Foundation den colaboracion cu DIARIO, a tene un entrevista exclusivo cu Mira Sorvino kende a elabora ampliamente riba e topico aki.

Mester agrega cu e entrevista aki ta parti di e investigacion di un documentario cu Switch Foundation ta produciendo tocante traficacion di hende, cu e enfoque pa concientiza hobennan y mayornan di e tacticanan cu e traficantenan ta uza.

ARUBA: PARAISO PA E TRAFICANTENAN

Segun Sorvino, trafico humano ta sosode na tur pais y na Aruba hopi traficante ta kere cu e isla ta un lugar perfecto pa por trafica hende pasobra nan no ta sinti cu e ley ta fuerte combatiendo esey.

Na Aruba tin e hermentnan pero mester train e sistema pa por ataca e problematica di "Human trafficking", Mira Sorvino a subraya.

El a sigui bisa cu un "trigger" pa trafico di hende ta abuso sexual y abuso fisico na cas. Esaki ta haci e persona un victima facil pa nan por cay den e tacticanan di e traficantenan. "Trafico humano por sosode den nan famia mes. E mayor, e mesun omo cu ta bende e mucha a cambio di sex cu su amigonan of conocirnan".

Bo no mester laga bo cas pa bo ta un victima di traficacion di hende, a agrega. Inicialmente tin e confusion of creencia cu pa bo ta un victima di traficacion di hende, cu nan mester wordo transporta di un pais pa otro. No necesariamente.

TRAFICO NA BO MESUN CAS

Segun e activista, bo por wordo trafica na bo cas mes, na bo mesun pais y ta suficiente pa conclui cu ta un caso di traficacion ora cu bo ta traha forza y bao di menaza.

Ora bo ta traha forza den cualkier industria (construccion, comercio, prostitucion, mineria, na cas di hende como cria, etc), e señal principal ta ora cu bo tin cu traha forza, sin pago of cu masha tiki pago, bao menaza of violencia y sin




bo libertad (nan ta kita bo documentonan, bo pasport) of bo ta semper vigila.

Den e caso di mucha, no mester di ningun analisis of mester detecta si ta un caso di traficacion, Sorvino a enfatiza. Simplemente no mag di wordo forza pa traha of abusa. "No tin ni un excuus".

Ora ta trata di un mucha no mester ni investiga. Den un caso di un adulto, mester investiga si ta trata di un caso di abuso laboral of traficacion. Cu mucha no. Un mucha no mag di wordo forza of menaza pa traha. Esey ta inaceptabel.

TRAFICO DI HENDE DEN SECTOR COMERCIAL-SEXUAL



Mira Sorvino a duna di conoce cu e ta sigur cu na Aruba tin casonan di traficacion di hende, specialmente den e sector comercial-sexual pasobra sea cu e ta legal of ilegal, unda cu tin industria di sex, traficantenan ta

probecha di e mercado ey pa explota e victimanan y bende e "producto" cu p'e ta gratis.

El a indica cu explotacion kiermen cu e hende muhernan aki no tin derecho. E

Sigui lesa pag. 6

Continuacion pagina 3

ta un relacion desigual caminda un persona so ta beneficia y cu ta haci ganashi (e traficante). E victima ta mara na e hecho cu su libertad a wordo kita, e y su famia ta wordo menaza y hasta si e sali riba caya e no ta huy pasobra nan ta bao di menaza constante.

Pa un mama, esey ta un drama y un prison mental cu bo ta biba cun'e semper. Hasta si bo tin opcion di huy, bo no ta facie facilmente pasobra bo a wordo manipula emocional y mentalmente. Pero bo no ta bay tuma e risico di wak bo yiu nan gehurt, el a expresa.

MERCADO "LEGAL": PROSTITUCION

Tambe tin e mercado sexual unda cu bo por trece hende muhernan pa traha "legalmente" den prostitu-

cion. Pero loke e trafican-
tenan aki ta haci ta pone nan bay den un "debt bondage". Esaki kiermen cu ta mara e personanan aki na un debe unda e muhernan aki no por traha placa pasobra nan tin cu paga debenan cu nunca ta caba.

Por ehempel, "mi a trece bo akinan, bo tin cu paga pa ticket, bo tin cu paga pa estadia, pa cuminda, te hasta pa e paña, etc". Kiermen, nunca e debe ta caba. Nan ta wordo gerape, nan ta wordo abusa, fisico y mentalmente.

Den un otro articulo lo sigui elabora riba datonan hopi importante relaciona cu e problematica aki y con abo por denuncia cualkier caso.

Ta gradici Ministerio di Educacion y Famia pa a haci esaki posibel.